

四庫全書

史部

欽定四庫全書

欽定熱河志卷四十三

行宮十九

喀喇河屯行宮

喀喇河屯行宮



喀喇河屯行宮 地本古興州治在避暑山莊西南三十五里當山莊未建康熙十六年

聖祖肇興巡典

駐蹕於此嗣是歲以為常宮門南嚮五楹

御題額曰秀野軒聯曰天宇晴開青嶂外人家烟起翠微
中中楹恭懸

聖祖御題聯曰吟詠之間兼泉清山碧以成趣畫圖所會
蓋樹色雲光而入神宮基中界灤河依山帶水比

之京口浮玉故有小金山之號西上則灤陽別墅
水木清華景物明瑟外則萬家烟井鱗次櫛比熱
河以南此為勝境規矩亦整百餘年來

巡御所經

榜題最富而我

皇上紹

庭繼事游泳滋多蓋遵

皇澗之止基匪特神皋之鍾秀也

御製詩

喀喇河屯行宮

辛酉

離宮別館接岩阿，颯爽金風此一過。
勝地開軒山迤邐，經年成蔭樹婆娑。
秋濃櫺葉添丹綺，雲斂峯尖矗黛螺。
猶憶當時承

渥澤，幾迴清咏愴神多。

重陽日喀喇河屯行宮侍

皇太后登逍遙樓

禕鞠雲凝瑞靄光離宮侍

輦值重陽檻臨平楚嵐烟淡牕入遥峯樹色蒼遠墅幾家
荒柴閉小橋獨木野流長最欣度節邊關外也有黃花
獻

壽觴

喀喇河屯行宮即景

癸亥

樓觀圖雲倚翠微苔封芝逕接巖扉入簾水態漾珠網
映座山容罨瑣闌天上僊鷹真可駕人間別苑那堪妃

伯駒畫裏憶曾見圖畫方壺是也非

喀喇河屯行宮疊舊韻

乙丑

重來宛憶舊卷阿列嶂攢青雨急過山鳥似迎人箇箇
野花偏對客娉娉夢猶未醒枝藏蝶篆不成文壁走螺
咫尺林泉濠濮想賦詩還道不須多

駐蹕喀喇河屯行宮偶作

丁卯

昭邱結宇敞軒楹贏得嵐光四面并花冒露開剛席展
山迎客到正秋清雨霏繡壤永添馥風度單椒樹有聲

一路西成經快靚得教巖館暫怡情

迴鑾至喀喇河屯作己己

深秋迴蹕駐灤河山館紛紛落葉多兩月風光異爾許
一番往返覺無何蒼峰嶻嶭精神健丹地蜩蛸景色和
納稼築場完次第相去聲春還聽野人歌

喀喇河屯行宮對雪

閏九月十三日

丙子

施慶柔遐巖事旋灤陽駐頓忽經年吉行五十較猶近

喀喇河屯去避暑山莊繞三十餘里

冬今三朝報在前

是月十五日立冬

玉積峯

巒迎座秀花粘林木勝春妍山容水態由來慣點綴寒
雲特地鮮

喀喇河屯行宮作

停鞭看寶穡逐頓駐離宮况本無忙務何妨此憇躬寒
潭已斂潦翠嶺間標紅舊詠聯新什光陰默忖中

熱河啟蹕駐喀喇河屯行宮作

庚辰

習武柔遐歲事并

安輿虔奉返神京兩彌月已屆嚴節三十里而遙吉行
喇喀

河屯去熱河三十餘里別館卷阿依舊好寒林平遠入冬清流漸

却慮擎舟冷興寄灤陽與目成

是日未渡河至灤陽別墅故云

駐蹕喀喇河屯行宮作

辛巳

暑氣入秋澄

昨日廿四過處暑候

嵐光依塞凝巖宮騎馬到松牖

望山憑地迥市聲遠歲和農務登興州沿革蹟文獻有

誰徵

喀喇河屯行宮懷古

壬午

往事徵難信猶傳此黑城

喀喇河屯蒙古語為黑城也

軒庭新歲月

閨郭舊榛荆北界夫何藉山田已遍耕致茲詎容易益
凜守基情

迴蹕駐喀喇河屯行宮作

灤上離宮駐御輪深秋風物賞清真一彈指頃經兩月
幾疊山曾見古人杞樹臨江留枿莽菊花過節尚精神
塞田納稼常歌稔慙愧今來鮮碩圉

駐蹕喀喇河屯行宮作

蘇未

香風禾黍拂行旌按頓今朝駐黑城

喀喇河屯漢語為黑城也萬疊

塞山惟北拱一條灤水鎮東征松濤檻外飄音颿蘿雨
巖前作點輕羽扇罷搖心地爽分明避暑報先聲

至喀喇河屯行宮作

甲申

一谷芄芄華黍風依山高下見行宮良農所望惟銅雀

司圉呈來總駿驄

上駟於四月間徐驅獵馬至此牧養以備行園車駕到時牽至行宮門前

呈覽亦舊例也

披霽心懷真是爽當秋意氣不期雄列藩路左

迎鑾至都說嘉禾處處同

喀喇河屯行宮作

乙酉

葦峪行過北轉東外藩迎駕畢來同且遲工塞秋蒐狩

先問今年稼穡豐

蒙古向以畜牧為業今內札薩克多有勤耕種資生計者

月駟雲

螭呈內廡

工駟院例以春月即驅御馬至此牧養以備行圍

屏山帶水駐離宮

義

文猶自光楣

昔

日恩暉想像中

至喀喇河屯行宮作

丙戌

一夜西風送峭寒曉行秋意拂征鞍前朝炎熱忘何所
勝境清涼報有端接轡到來留信宿憑軒望去賞巖巒

先聲真覺娛人意颯颯泠泠樹杪香

至喀喇河屯即事

丁亥

葦峪北經寬甸平外藩依例道旁迎未遵近旨遲來惠

益見同心向上誠

蒙古王公每歲在喀喇河屯覲謁今年遇閏駐山莊日久預傳諭於八月

間來集以示體恤茲諸藩仍如往例達迎且云瞻戀情切故未遵前旨云

染色稼雲皆喜色

作聲蛩露是秋聲午曦駐馬蒸炎熱驟雨吹涼便朗晴

駐喀喇河屯

戊子

建置伊誰此黑城

蒙古語喀喇謂黑河屯謂城喀喇河屯黑城也又訓為舊城云興恒

舊蹟究難明即今埤垵無從覓便是岡巒已遍耕綠蔚
良田苗滋雨黃蒸實粟喜新晴山莊近矣明朝到行館
依然且駐旌

喀喇河屯行宮作

己丑

按轡觀農至黑城

喀喇河屯國語及蒙古語同謂之黑城云

興州沿革率難

明

在途金元代當在興州境

一川禾黍秀而實萬戶耕桑樂且亨細

察長官清慎績最憐赤子敬親情百年古屋新秋景不

忍翹瞻

睿額橫

熱河迴鑾駐喀喇河屯行宮即景

慶典圍期胥藏成

安輿肅奉啟歸程行宮卅里駐宜近築圃九秋幸報盈潦
盡灤江現洲渚雲生塞宇幻陰晴倏飛冷雨倏開霽玉
積遙峯一幀橫

駐蹕喀喇河屯即事

壬辰

早行亦早駐已半到行宮未熱先稅駕就陰都放驄泰

苗含露潤麥穗向陽烘兆矣獲猶遠望殷慰覽中

熱河迴蹕至喇河屯作

出以先驅蹕路清歸當後扈奉

前行明知十日趨承近

皇太后於十二日啟鑾按途
中小行宮駐蹕計廿一日可

至石槽茲朕於十六日自山莊迴蹕按常程而行亦同
日駐石槽即可詣行殿蒞安諸晨恭奉迴鑾

違侍不過旬日而依
應之誠倍切於衷不盡

萬齡祈祝誠迴視山莊雲嶺外早臨灤墅錦林橫錯紅綠

綠綠秋暖露重猶滋麥始萌

至喀喇河屯行宮作 癸巳

葦峪落川平吉驄按轡行麥原方逮獲黍阪始看萌野

老田間間近藩路左迎山之畢來觀

前經諭令外藩王公等均於七月杪

至山莊茲喀爾沁王喇特納錫第巴林王巴圖喀爾沁貝子瑚圖凌阿敦漢公羅卜藏錫喇布等以部落較近仍來此迎謁其親上之誠有足嘉者因親上足嘉誠令其至山莊後即回俟期再來集扈圍

熱河迴蹕至喀喇河屯行宮即事

麗正門前送

鳳輿候程饒此數朝居

皇太后安輿緩行並駐小行宮於廿一日至石槽行宮朕於十

六日啟程亦於廿一日至石槽行宮問
同至御園以小行宮不能容多人駐宿依去年例也
安廿二日

今晨適返六飛矣四月恰消一瞬如背指雲莊虛擬外

前硯秋野飽收餘黑城
喀喇河屯即漢語黑城也
計里由甸近暖日

欣明點筆疏

至喀喇河屯行宮作
甲午

襟帶灤江向野寬黑城今復駐鳴鑾昔年建置無心考
此日農桑著意觀崩樹因遙望惟綠川波雖弱勢猶漫
納涼嘉蔭仍炎熾便冀蒸雲作雨霞

雨中至喀喇河屯

乙未

夜露垂簷曉發旌漸車無礙就山程農夫襁褓欣方渥
僕役泥塗盼亟晴近失峰容雲角豎微侵涼氣雨絲橫
藩王路左紛來接惜爾霜衣命賞行

蒙古王公等遠來迎駕雨濕行衣因

命分賞羽服種種呢黃褂以示體恤

至喀喇河屯行宮作

丙申

曉涼步輦歷平川葦峪經過翠嶺巔循例雖然仍易馬
向年自啓蹕乘馬至不蘭園畢始間御輿輦故有跋馬
却與輦廿年一例便之句六旬以後時乘輿輦而行雖

偶易馬不過行十
餘里即至行宮耳對時却自懶催鞭行宮到以昨年似
稅駕欣於午刻前別墅依然河那畔便教問景渡蘭船

九月十六日避暑山莊迴驛駐喀喇河屯行宮

作丙申

翠羽平明轉蹕輪河干別館駐逡巡憶來林態繞仲夏
重到山光釀小春瞥眼便為經歲事問心底是惜陰人
甌香研淨多清暇點筆聊因紀此辰

至喀喇河屯行宮作己亥

亦復乘興亦騎馬年雖望七敢偷安灤平得號欣稱縣
昨歲升熱河廳為承德府其餘六廳改札薩迎途虔謁
為州縣隸之喀喇河屯今稱灤平縣
鑒惠近柔遐恒志切撫今思昔暗心酸分明翼日山莊
到

夏清全殊著句難

至喀喇河屯作

庚子

此日灤平縣當年舊黑城

喀喇滿洲語謂黑
蒙古語同或謂舊

革沿原可

考稱謂亦頻更破曉因啟輦赴涼早駐旌凡事豫則立

是語義含精

至喀喇河屯行宮

辛丑

分明設縣號濠平

乾隆四十一年升熱河廳為承德府統轄六廳並改為州縣比喀喇河屯

廳為濠平縣故熱

河紀事詩有

仍舊貫原稱黑城

國語

丙申陞府

先覆之句

謂黑河屯謂城蒙古語亦約相微

葦峪行行背後指松岡

在行宮牆內

款款

面前迎巖齋小憩真神謚月戶閒閒任景呈希雨望晴

題四壁無非一念為民生

至喀喇河屯

按頓行程有定期平泉駐蹕冒烟絲山蹊遠迤何妨渾

黍壠青蔥亦頗滋呈馬驪黃多繹繹

向例上駟院於春月即驅御馬至此

牧養以備行圍故乙酉詩有月駟雲螭呈內廐之句

迎鑾賓客總嘻嘻雨兼年老

乘輿至一詠舊詩却愧之

昔年自啟駕至行圍皆乘馬故有跋馬却與輦廿年一例

便之句今年逾古稀又適遇雨因罷策騎

灤陽別墅

辛酉

槐柳成陰別墅開軒庭人靜鎖莓苔虛牕饒織蠟蛸網
略約猶支灤潁堆山卉無名偏有艷野流東去復西迴

兩峯雲歛高空迴，彌望川原絕點埃。

灤陽別墅

癸亥

臨水背山地，青紗白板齋。徑蹊將俗遠，几席與清皆。峯色翠當戶，松陰綠到階。若非章奏至，自許傲無懷。

一自前秋別，經年未到山。愛伊仍荔徑，引我闢雲關。落葉驚禽起，徂雲帶日還。詩人易看待，最喜是蕭閒。

稍坐松下石，松聲涼謾謾。露濡今秋花，峰挂千年瀑。天地自空濶，山川多靜淑。靈均會此趣，所居無須卜。

本是廟堂人宵衣未解憂却饒山水趣佳景輒為留琴
書靜白畫臺館張高秋長揖謝安羨煙霞不可儔

嵯峨矗黛螺淨沐雨初過堤色留新漲溪聲送逝波窻
虛延月桂地僻足烟蘿吟興前秋似前秋人若何

題灤陽別墅

乙丑

精舍枕溪流更復背林麓尋徑披烟蘿支牕折幽竹當
秋几席清過雨花藥馥本無塵著懷自覺靜謀目興倦
欲澆書石泉亦堪掬

阪芷芳未歇崖楓色待丹
颯然微風至侵我衣袂寒
略約歆斷岸野艇繫河干
一段新秋景可以暫游盤

掃榻坐虛榭對山開綺疏
觸目與靜會悠然清顯俱
爽氣拂襟袖澄潭鑑眉鬚
本非山中客而耽山水居
把卷對古人安羨以為徒

灤陽別墅

丁卯

玉露金風候背山臨水居
捎簷青筍籜卷牖紫芙蓉
泉響尋源聽詩成鑿壁書
名山有宿約隔歲一相於

湍流無略約濟渡一舟通每到消塵念從知秘化工
巖獨鍾秀天地不言功欲學軒轅訪瞠乎拜下風

灤陽別墅

巖齋瀟灑暫棲遲迴蹕欣當秋杪時岸際潦溢知水性
林間葉落見山姿

俯暢遙吟天宇寬捎檐竹籟憂輕寒宜人只有霜楓好
添得中峯幾疊丹

落葉驚風階砌填深秋烟景劇堪憐黃花不為重陽度

露染霜皴著意鮮

暗流漱石鳴幽澗
翠影扶松上綺牕
洗滌塵根歸靜所
好參聲色自拈拈

秋色隨宜境趣賒
越於深處見清嘉
萬山九月三間屋
不惹閒情長道芽

灤陽別墅己巳

又來別墅早秋天
未啟閒齋向二年
草木依然成蒼蔚
光陰底識有推遷
濤增古柏急鳴籟
潦退灤流緩滙川

忽憶雲窻同眺處
愁懷欲遣倍淒然

灤陽別墅 辛未

別墅蕭閒灤水陽
到來依舊閒秋光
擎青古茂松千尺
環碧高低山一房
時聽鹿聲還隔嶺
每看蝶影或踰牆
墨壺琴薦都清潔
消得敲吟引興長

朝暉涼爽午猶炎
節候初秋塞外占
葉始作紅仍隱綠
潦將就減乍平添
報寒野蠲常依砌
餉蜜山蜂不離聲
檐應接翻嫌畧
無暇峰容波態此中兼

灤陽別墅作

校獵言旋駐葆旗蕭閒山館偶棲遲
明看綠葉添紅葉默識來時作往時
秋意已隨月西轉溪聲那共水東馳
虛牕點筆消蘭篆不構文瀾引靜思

灤陽別墅 壬申

疊樹層椒盡態青灤江如帶瀉清泠
湧金何事稱圖畫浮玉端知在戶庭
四季風光無盡藏百城古帙有餘馨
栖遲欲去還教住山鳥留人亦可聽

灤陽別墅

別館九秋清飛蓋一時駐黛色參遠山籟聲澍古樹江
落石岸高林稀朔風遽依然倚軒牖於何識來去颯景
故堪憑流光茲可寤

迴蹕灤陽別墅作

癸酉

山木有菟楷空雲有去來日日行邁客豈能無往迴菟
楷木不知去來雲不期云胡往迴間厯厯今昔時問昔
曾安在問今復如何秋深峯卷畫風度江生波閒館之

相遭於斯會意多

灤陽別墅

癸酉

澄澈寒潭潦已收
又來巖館坐清秋
人家烟見翠微裏
天宇晴開碧嶂頭
新景高空明似畫
舊題歲月迅如流
也知詩句多何益
翰墨因心會輒留

灤陽別墅

甲戌

陰森灌木稠別墅
小延留雨過山當戶
風來夏似秋依然
饒靜賞不息俯澄流
學海終能至因之悟
進修

灤陽別墅

戊寅

叢樾中間得路便虛窻四啓眄青蓮可知秋景會今日

未到巖齋又二年

去歲經此未駐蹕

天淡雲間常不改蝶黃花

紫自相憐何妨傍午還餘熱松下風來便颯然

灤陽別墅

夷峻別館羅廻蹕駐灤河望極塞山遠秋深落葉多青
松自天矯黃菊正婆娑將謂詩篇富觸懷復漫哦

灤陽別墅

己卯

秋巡今復到灤陽
潦水澄鮮可渡航
幾架書齋待留憩
四圍山色是真常
儻來何必亟言去
婁熱堪憐漫趁涼
著壁新題連舊什
獨於斯也未能忘

灤陽別墅作

雲莊松塢小樓遲
潦盡烟凝颯景宜
兩月促陰流水逝
半窗暖日片時披
知來藏往叅辭易
孔有大成詠雅詩
祇覺籌邊心益切
一迴西望輒神馳

灤陽別墅放歌

庚辰

山南為陽山北陰水南為陰水北陽陰陽錯綜無定位
南北對峙有定方淮陰亦有韓漢陽亦有張首陽亦有
夷山陰亦有王彼皆幸生文字邦地靈人傑相羶藉灤
陽別墅開書堂此山此水豈非有自禪通循蜚之鴻荒
惜無人而過問然未失其真常是時秋風八月含微涼
寒潭潦水澄灤江扁舟徑渡少留憩庭前松樹蟠龍蒼
山自崇崇水自湯湯即此今昔誰曰滄桑癡哉峴山之
碑令人徒笑叔子羊

灤陽別墅 辛巳

灤北有書堂乘流渡野航久晴猶盛漲處暑得微涼興
與秋為約心無逸是常對時將育物體驗不拘方

灤陽別墅 癸未

灤水猶未漲扁舟易渡河虛軒恒好在隔歲又相過樹
下風延爽花間鳥弄歌雨佳晴亦可不必較如何

灤陽別墅 甲申

別墅山陽復水陽蒼松叢裏到書堂受曦故是多逢熱

延籟今番陡覺涼
碧宇無雲心與淨
綠坡有草鼻生香
寒蛩唧唧吟閒砌
昨歲秋聲幻即常

灤陽別墅

乙酉

一舸渡灤江書堂倚碧峴
草香欣得路松翠故籠窗
最是三秋好曾誰空谷覓
清音與峰態聲色自攢攢

灤陽別墅

丙戌

渡河尋別墅灤水喜非深
隔歲步新逕清風在故林
花香翻蝶影葉密護禽音
最好初秋景一年一度吟

灤陽別墅

丁亥

雨後渡灤河拍隄駛漲波秋風如故識別墅又新過砌
卉芳偏野庭松涼入多悠然得深趣山鳥答清哦

灤陽別墅有會

戊子

山南謂之陽山北謂之陰水陰則南岸水陽則北潄山
水似相迕其故在日臨不同之大同理趣宜玩斟拘墟
苟循名刻舟惟福心

灤陽別墅

己丑

別墅灤江上輕舟一葉橫綠窻猶昨日碧宇正秋晴渤

海如斯學渾流不炫清二千餘里亘源委近方明灤河源得

於獨石口外已延屯圖古爾山曲折西北流經上都河
屯折而東南逕此地又東南流會熱河又東南流入潘
家口至永平府之樂亭縣入海計二千餘里並考訂蒙古
名目列圖系說紀實

灤陽別墅庚寅

行宮灤之陰喀喇河屯行宮在灤河南別墅灤之陽灤之水至秋仲

歛一舟原可亂而航別墅倚山據岡阜夏潦已到階基

傍舊時平川數間屋怒浪掀去餘頽墻修築固不必剝

除善後須有方適纔高隴見薄收民無菜色頗似常安
知下隰未經見保無凍餒鮮蓋藏灤之陽今來益切視
如傷

灤陽別墅

辛卯

灤江橫渡至灤陽松蓋陰森護广堂雖是當前尚餘熱
已知不久欲成涼遙看雲影閒將淡靜聽波聲猶覺狂
溪狹迅消無害稼獨遲行旅正何妨

灤陽別墅

壬辰

間去聲雨利禾麥而無暴漲增沙川原致淺野舫尚堪乘
一徑林中得千山座上憑心神託清迴摘句亦相應

灤陽別墅

癸巳

灤江雖淺小舟通別墅陰濃綠樹中一歲一來寧可負
此時此趣正無窮座披芸簡渾忘夏窻近松釵最受風
舊詠新題周四壁不同同處却相同

灤陽別墅

甲午

雨短灤江淺牽舟畧可行一年纔一至惟靜復惟清粉

蝶隨風起山禽傍晚鳴西峯雲密佈希澤念重縈

灤陽別墅

丙申

河北為陽河南為陰南北如仁義定名弗可侵陰陽如
道德虛位隨方尋昌黎精語非窺至理自古今天地
山河示此象豈從原道之文垂訓音漾舟而過偶契心
仰觀俯察歸酌斟

灤陽別墅

己亥

別墅灤之北稱陽義可思據高風自爽當夏日猶遲撫

席過

平

兩歲擘牋又一時山雲空際合便雨亦云宜

漳陽別墅

壬寅

行宮有餘暇漳水必一渡別墅河之陽曠覽山川趣今
年漳水弱木約接岸路青苗鋪阪田待澤誠甚遽以此
意徬徨揆藻無佳句

小金山

辛酉

石磴臨無地松亭面有山坐來風礎潤知是白雲還
露華泣煙蘿攀陟窮深杳平臨樹杪風下瞰孤飛鳥

探奇如食蔗裁句擬遊仙振袂一聲嘯秋風滿碧天
山木不知名山雲忽作晴濃丹並新翠紛錯一川明
四圍俯碧瀾一逕通雲棧猶聞琴筑聲泠泠滴深澗
翠微晴色好矗矗濯烟鬟何必渡揚子即此小金山

小金山

癸亥

俯仰烟霞儘可招試求高處只三霄客來正值新秋景
白日涼颼天次寥

嶽崎巖壑許誰攀想像羅天咫尺間不必揚帆過揚子

小金山勝大金山

小金山

山色乾坤翠溪聲日夜流入間苦餘暑此地不勝秋
叢篠既森密危峰更截巖拾級青雲梯衣履若為潔
高與顯氣俱颯共清秋爽小軒纔三楹豁然納萬象
美箭吟籟謾幽花過雨新懸厓如雉堞天與隔紅塵
此間致趣佳少許勝多許欲停九夏驂試避三庚暑
分茶臨石澗把筆就松陰山鳥一聲嘒啾啾前歲音

體以良為德名擅允之美縱未渡江南知己勝揚子
出峽走銀龍浩然赴其澗欲聽太古琴更步凌空棧
鏡潭擬天池有網不能舉個中無凡鱗盡是蛟龍侶
巖藻饒古意松濤有好音拈吟誰和者山水是知心

小金山

丁卯

楓香松翠早秋朝縱目長天淨次寥更愛笠亭臨絕壁
便扶朱楯度飛橋

座席常隨嘉蔭移山風送爽颯纖絺隱蘆鷗鷺窺垂釣

擲樹鼪鼪聽詠詩

玉筍平陵架小亭好山常占四時青閒雲不繫悠然影
野卉無名越樣馨

日照孤峰生翠烟灤河水共碧空鮮寄語山靈好看待
莫教佳景讓江天

小金山

每到小金山心神頓曠閒秋深逾覺好塞上薄言還霜
葉繽紛落烟蘿取次攀石橋凌碧漢擬欲叩仙關

小金山作 己巳

逕入綠榆遠軒憑碧浪高秋初尚濃蔭雨過亂鳴濤舊
句題四壁重來有二毛景光不殊昔底事足牢騷

雲標披颯爽天外眺蒼茫最愛登臨美渾忘衣袂涼喬
松風度籟野草露生香為問曹唐句遊仙第幾章

引水成湖面為亭據石頭畧教加點綴便可學滄洲山
鳥能延客莎蛩特韻秋昔年吟嘯處歷歷記清遊

小金山歌 辛未

灤江衮衮西北來東將入海歸溟渤源遠流長故遜岷
陰吸陽嘘或如浙叶岷江浙江我適觀灤江此閱新秋
寒新秋不異前秋景得近忘遠逸興遄河有砥柱山有
金欲赴且止其意深此間喘岷肖浮玉惜無頭陀裴氏
開叢林底須金山四面包華屋廣陵之濤似神而非者
三亦惟天下獨會心灤濮樂在茲樹態峰姿况周足刻
削翠影落澄波時有鼉鼉擲林木江天奇境有如此浮
名小大何嗔喜彷彿山靈如是云勝彼虛詞吟不止

小金山

壬申

縈迴波澹澈踞峙峰礧礧烟散容披榛風來時落果棲
巖構虛軒每到必憇坐

聖

人錫嘉名勝彼屋包裹饒占山水幽何事香花妄一瞬
悟南華分疏了不可

小金山

癸酉

濠江固覺非揚子試問金山是異同兩水會歸溟海後
根源總在大圓中

小金山 甲戌

巖齋壘試樓遲瀧江聲過雨時
小大試將浮玉較南華齊物笑人癡

題小金山 戊寅

翦然嘉蔭入林間一朶芙蓉頂結廬
既豁而寥宜眺聽匪今伊昔閱居諸
來原竭爾去無約下是滄江上碧虛
浮玉昨年同異處澄觀了不可分疏

登小金山 己卯

嘗聞天地間物必有對待金山峙揚子小者於斯在棗
葉及須彌一真空性海翻覆手掌耳名象究誰宰忘言
遊希夷放步登紫籙

小金山

庚辰

露草煙蘿步履披三間虛榭坐移時江聲已自空去聲
人
意唧唧蛩音又底為

石簇階基樹拂簷小軒還據小山尖偶然把鏡星星見
似與題詩逐歲添

世間何物不浮名大小金山弟與兄又為民艱罷巡蹕
時以高寶興奏數州縣被水申命南省官吏專心賑務詔緩辛歲南巡石簾且復寄遙情

小金山 壬午

秋孟忽忽去曾無題句留重陽冉冉過言復駐旌遊葉
落山容瘦漲消水態柔今春浮玉上視此有邈不

小金山 癸未

灤江東去海歸墟獨峙中流浮玉如不讀莊生齊物論
每從小大擬分疏

虛軒峰頂祇三間那許樓臺包却山昨歲石簾景猶記
羸將一著是幽閒

山龜跳樹如添翼山鳥銜花自引雛習習爽風拂巖落
往年秋意了無殊

小金山

甲申

每至山軒必有言上懸碧宇下江翻似茲聲色擬擬地
何處著他衆妙門

欄杆迴據玉芙蓉落落階前百尺松若與石簾論大小

須彌棗葉早稱宗

繞階石古點莓苔山果因風落幾枚
底事今朝頗覺喜
為看一路好秋來

小金山

乙酉

芙蓉一朵出晴江三架踈軒俯碧淙
木葉蒙龍誰為去聲
織虛舟却訝掛煙簾

露香藜蘿徑偏幽開著雲窻聽水流
若擬灤江拖玉帶
賺禪也勝印公留

小金山 丙戌

樸斲三楹踞石磯妙高一例是耶非灤江設更較揚子
也覺居然具體微

林岑擲樹有鼉鼉趁暇幽尋暢遠情剛訝虛無逮仙境
隔江野店聽雞鳴

小金山 丁亥

平臨天次濔下俯江渺瀰既因迫為高亦因迴謂小
石罅擲鼉鼉可見不可尋一叢山丹花色是雙南金

景喜三秋孟暇值萬幾間一時飛逸興直到頭陀山

小金山 戊子

有樹則槎枒有峰則岵嶬一拳肖浮玉勝之以小許放
眼鴻濛外彼金亦粒黍

小金山二首 己丑

磈砢江中聳一洲三間蕘榭俯清秋較於浮玉斯誠小
天姥羸他作夢遊

午熱原欣大田熟究宜此處坐乘涼水風爽可罷搖扇

更喜吹來花草香

小金山

己亥

臨灤一拳石稱曰金山小一亭三間屋樓巖俯浩渺我
亦久未到題詩殊欠少到斯難恣置引興頗覺好拈毫
試吟搜上下空明晶如在琉璃界不塵徹裏表遐想浮
玉景原繫吾懷抱而吾居箇中稱小豈明道何必舉莊
周物物自了了

題翠雲堂

庚辰

四株松樹四時翠一坐書堂一賞雲何必山嵐將谷靄
怒濤細浪總氤氲

翠雲堂

壬午

鬱鬱青松列四株庭前虬蓋翠陰扶秋臨復此乘涼好
月上何曾對影孤過去片時即萬古未來百歲待斯須
崇山設以商顏擬不入留侯計裏趨

翠雲堂

戊子

別墅築灤陽依巖復構堂有雲都是翠無樹不啻蒼遊

目屬空廓研精寓縹緗雨過風益峭納得八窗涼

題翠雲堂

壬寅

階下蕭穆列四松飄然皓友又相逢衣巾不覺當夜冷
枝幹寧須過雨濃近砌如張青繖蓋遠峰猶露綠芙蓉
翠雲設與山雲合尺澤應教蘇渴農

虬蓋亭

辛巳

千嶂通單徑一亭具四臨納涼成小坐延趣省幽尋寒
益清秋景響含灤水音不須張翠蓋虬幹有佳音

虬蓋亭

甲申

就松築山亭亭久松益久盤盤盖越張矯矯虬疑走名
象如風月盖自太古有不盡復不竭用則隨人取獨是
亭與松此意亦知否

虬蓋亭

丙戌

結宇依松松十尋童童饒得布嘉陰披涼謾聽巖風入
訝是何人調玉琴

虬蓋亭戲題

丁亥

小亭陰借老松義松下風來特地嘉漫謂尋常煞風景
雖然張蓋未排衙

虬蓋亭

戊子

四面橫拖嵐翠半空平捲秋聲眺聽今朝大愜都為宜
時快晴

虬蓋亭

壬辰

四柱山亭就老松佈陰翳翠自重重籟聲泛出濤如海
却訝蒼虬欲化龍

虬蓋亭 甲午

黃繖無須此處張
松陰亭子稱乘涼
翼然漫擬歐陽語
上有青鸞儼欲翔

虬蓋亭 乙未

紅日高遮夏亦寒
灤江座下俯雄瀾
頗同弘景青霞挹
不作嗣宗白眼看

虬蓋亭 丙申

種松已作老虬枝
小坐旋看蓋影移
因悟世稱百年者

憬然害不視乎斯

虬蓋亭 己亥

虬幹由來早成蓋盤盤益復翠陰森到斯便與乘涼坐
那更無端計文尋

虬蓋亭 壬寅

一筌孤亭別幾時森森老幹長孫枝今朝雨後涼生座
不藉喬松風入之

欽定熱河志卷四十三

欽定四庫全書

史部

欽定熱河志卷四十五

詳校官編修

臣曹城

檢討

臣德生覆勘

總校官舉人

臣章維桓

校對官編修

臣勵守謙

謄錄監生

臣曹洪梁

欽定四庫全書

欽定熱河志卷四十四

行宮二十

王家營行宮

常山峪行宮

巴克什營行宮

兩間房行宮

釣魚臺行宮

黃土坎行宮

中闕行宮

什巴爾台行宮


波羅河屯行宮

張三營行宮

濟爾哈朗圖行宮


阿穆呼朗圖行宮

王家營行宮



王家營行宮 在常山峪東北四十里康熙四十三年建勝曰引流成溪凡四重東西所亦如之其陽面山地勢平曠澗壑交流宮內廊軒接比院宇高明右則居民鱗次場圃縱橫烟村掩映宛在幽風圖畫間也

帝山峪行宮



常山峪行宮 在兩間房東北三十三里康熙五十九年建南嚮殿五楹曰蔚藻堂內曰青雲梯西曰虛白軒後曰如是室宮基面山丹崖翠壁列若屏障軒窗披覽領妙延清蔚藻堂之右曰翠風埭曰綠樾徑曰楓香坂曰陵霞亭皆創於

聖祖時我

皇上標為八景

御書題額分章成詠

天藻敷華地靈增勝矣

御製詩

常山峪行宮

辛酉

憶昔髫齡際趨陪

聖祖前于今巡幸至駐蹕故宮邊湛露曾叨

澤含飴想侍

筵秋風悲此日軒屋尚當年鳥語如懷舊花香故逞妍

恩勤終古慕承顏一身肩

再疊前韻

經國猷垂後承家志繼前三秋修武備萬乘閱巖邊勝
地停鑾御離宮啟玉筵欣逢無事日喜覩有秋年挿笏
峯爭秀披圖景鬪妍永懷

無競烈景仰懼難肩

常山峪行宮疊舊韻

癸亥

景愛三秋始

恩思甘載前

音容魂夢裏歲月鹿蕉邊小憩松篁閣還陳翰墨筵誠知
仙是幻堪以日為年列岫迎牕翠間花繞砌妍繼繩吾
未逮矢此一心肩

常山峪行宮八景

綠樾徑

灌木盤山腰濃陰日翳翳豁開壺中天迥異人間世

虛白軒

虛空能生白一氣常虛三閒情空外奇妙道箇中叅

青雲梯

青雲信有梯丹崖暫延佇鹿豕出翠微逢迎務光侶

楓香阪

清吟步修阪衣袂泛秋涼金風颯然過微聞山楓香

蔚藻堂

花木暢生意大地蔚菁藻忘言入靜觀忻然愜懷抱

如是室

如是如是室坐對清秋山遊山室中人不費往與還

翠風埭

野木不知名雨後增新翠誰云塞北山却有江南致

陵霞亭

危亭構峯頂面面青崦呀踏石片雲飛去作天邊霞

常山峪行宮懷舊

己丑

青雲叢處敞離宮

晉日今時駐蹕同捲幔山嵐千面合開軒巖樹四隣通垂
紳瀑水無心白對客閒花著意紅廿載

恩勤成一瞬幾番青睞仰高空

常山峪行宮八景

綠樾徑

灌木重重翠鬱森秋來猶自有清陰
攜筇不為尋佳勝觸目無窮山水心

虛白軒

架得蕭軒三五楹偶來輒喜向虛明
前秋詩約分明在指點烟嵐是舊盟

青雲梯

幾疊林巒碧靄凝盤紆界道一條氷幽偏不是青雲路
只許詩人偶一登

楓香阪

欲紅未紅楓樹枝寥蕭涼籟襲人吹恍疑身在耆闍窟
參得香林拖地眉

蔚藻堂

清秋蟬聲澹煙光翰墨香生蔚藻堂西抹東塗渾不藉

由來大塊假文章

如是室

室名如是如何是如是室名如是何而我竭來吟七字
今原非此昔非他

翠風埭

叢林籟作風含翠曲埭秋來葉有丹一嘯蘇門天地濶
飄飄直欲駕仙鸞

陵霞亭

亭子峰巔四望賒
衣裙輕拂惹煙霞
問誰倚石雲根動
散作天邊一縷斜

常山峪行宮即景

丁卯

捲幔秋光到座邊
雲開為我盡青蓮
步苔衣濕蛩吟露
望坂楓香鹿叫烟
自是林泉多蘊藉
依然書史得周旋
饒他只有松陰鶴
夜夜空山抱月眠

常山峪行宮晚秋

山容似畫淡彌趣
秋色如詩老益工
拾級丹梯攀露荔

背屏翠壁眇霜楓

谷口風來聲覺壯溪頭潦盡影含清
朝隣一縷因移石
去作白雲天外橫

峽峯無數入牕紗寫照愔前了不差
正慮遙天無點綴
林邊恰噪晚歸鴉

急雨驅雲增暮寒秋英繞砌濕闌干
遣懷不苦吟情澁
底用拈鬚一字安

常山峪行宮八景 己巳

綠樾徑

隔歲未尋綠樾徑當秋恰到白雲間行園塞上看山好
路便先教看好山

虛白齋

行宮結字底須多據景標名便可歌虛室三間無別物
到來惟見萬籤羅

青雲梯

嫩翠濃青杳莫分天風吹織紫綃雲自知不是安期侶

是底胡然步入雲

楓香阪

仙人石室青霞封
僊僊招我相陪從
琥珀遺堯不曾食
念茲長謝遊仙蹤

蔚藻堂

吟句無煩求俊逸
淺言亦可暢清懷
翠崖有問如何答
記我今朝意甚佳

如是室

自是新秋坐清晝不殊前歲對閒窗碧空似我澄無滓
何所得來心可降

翠風埭

巖樹風過翠浪翻重重菴秀入山軒未教楓色霜前紫
且聽溪聲雨後喧

陵霞亭

峰頂有亭真翼然下臨無地上空天莫云一宿堂堂過
暮靄朝嵐結覽全

常山峪行宮八景

辛未

綠槎徑

一逕引人入勝千林苑爾相親恠底宜來雨後懸崖澱
沫垂紳

虛白軒

小軒虛白堪怡匡床憑几棲遲驀憶前秋此際清光不
隔多時

青雲梯

翁筍千重菴秀巉巖百級絕塵大似子房奇士陳平何
物堪倫

楓香阪

青楓過雨霏香詰曲蘭椒里強陟頂砉然長嘯千峰紫
翠夕陽

對藻堂

對藻爾時書堂每來翰墨生香正擬摘詞且置無過火
塊文章

如是室

秋初山有餘翠霽後室生爽寒最是長宜靜坐奈予每
少幾間

翠風埭

威紆翠埭林穿草蟲花蝶風前俯仰物物自得會心一
為听然

陵霞亭

夷峻位置孤亭四隣山色來青六法誰能貌取嵐靄都

無定形

常山峪行宮疊舊作韻

乙亥

行宮向題句勒壁跡成前此日方綏遠流沙已擴邊凱
歸應勞酒新附台賓筵翠翠早臨遙塞黃雲閱有年窻問
一晌靜霽後萬峰妍詎曰今無事吾方未息肩

常山峪行宮作

丙子

依綠構行館標紅見早楓秋光逢塞外詩意滿窗中

常山峪行宮疊舊作韻

戊寅

好山如活畫而面向人前拱北近仙境

去避暑山莊九十餘里

維

南帶古邊

古北口一帶古邊界地

堂皇開太室俎豆展賓筵風自

無塵地雲猶謠旦年聘懷真致靜得句欲娟妍最喜翠微表洪崖可拍肩

再題常山峪行宮八景

庚辰

綠樾徑

塞山秋中綠猶濃過雨蹊留白鹿蹤却是今來添別致
幾枝紅葉出高峰

虛白軒

一年兩度坐文軒
生白恒斯悟漆園
七字寧云聊即景
清機爾許箇中存

青雲梯

層層綠樹蔚巖梯
尋鹿常教步屨躋
宇宙以來便有此
龍門却誤擬夷齊

楓香阪

青楓並虎鎖雲巒
意蕊心香靜鼻觀
設置江南文翰地

又將儀比麝和蘭

蔚藻堂

背山臨水得書堂一宿居停有縹緗更不課虛將叩寂
蔚然大塊假文章

如是室

山恒如是室如是一晌棲遲似去年何必炷香叅白業
金剛四句會當前

翠風埭

莫道山風無色相巖枝澗葉與形容
泠然往返誰相見惟有洪厓及赤松

陵霞亭

孤亭迥出衆山頭暮靄朝嵐漾若流
峰不黃山三十六也從雲海泛虛舟

七月廿四日常山峪行宮作

辛巳

潦盡朗秋晴

大安亦啟程

是日

誠親王奏報恭奉
慈輦登程駐石槽

溪橋胥穩駕

沿途留
諸臣董

率地方吏修
除橋路告就

巖館忽前迎香撲青楓坂虛生白室楹後

山親獲鹿飛騎進

行營

再題常山峪行宮八景

癸未

綠樾徑

今年綠樾真綠樾為是尋蹊當夏時批閱封章尚餘暇
不妨一再與題詩

虛白軒

欽定四庫全書

欽定四庫全書
卷四十四

生白惟虛蘊妙理一年一度此言徵明朝仍便忽忽去
故是斯軒所獨恒

青雲梯

千層劇綠倚嶙峋階級分明總絕塵為問尋梯進步者
幾人真是箇中人

楓香阪

塞山露重如垂雨飛翠流湍潤意凝幾度青楓林下過
衆香國裏得相應

蔚藻堂

靜中動是山水態動裏靜惟花鳥情看待主人無別物
起吟佳趣面前呈

如是室

延清觀妙會心皆擬議寧因梵帙排虛室設為刮目待
猶如是亦底稱佳

翠風埭

無色形天有色形鳴條送爽復流青東坡昔日乘涼處

翠幕張如擇勝亭

陵霞亭

煙霞負帶迴孤超支父方回若可招賦讀天台工體物
居然塞外赤城標

常山峪行宮即景

乙酉

玉露金風候崇山峻嶺間居停有古屋是日闢林闢窻
納三秋爽門縈一水環置郵傳閣本批閱敢偷閒

再題常山峪行宮八景

丙戌

綠樾徑

曉秋叢樾綠猶濃
過雨縱橫印鹿蹤
徑欲循蹊到深處
忽然一片白雲封

虛白軒

曰虛曰白曰秋時止止生祥引妙思
不改昔時此軒射
悽然為憶此

含飴

青雲梯

青青疊樹蔚如雲意寄菁蔥亦自欣不似登龍題鳳輦
於中覓路望徒勤

楓香坂

散步楓林馥郁然此香非火亦非煙晚華自叶天然靜
李賀空稱蜀國弦

蔚藻堂

山葩應恐漏離騷那數人間八斗曹却笑綺言猶未戒
依然對景一揮毫

如是室

天地干支似轂旋
今秋丙戌豈殊前
屏風

聖藻書唐句却閱流陰六十年

室內屏風有
皇祖御
筆唐人七言絕句八首乃

康熙丙戌年所書閱今星甲適
周荏苒流光瞻仰益增追慕

翠風埭

機埭秋風翠浪翻
有聲為寂不為喧
了知未可畫工寫
雅合攜將靜者論

陵霞亭

塞天過雨大羅淨祇剩東南幾片霞著我山亭霞以上
騁懷遊目正無涯

常山峪行宮即景

丁亥

南北連山色東西接路程有軒真可憩無牖不含清近
聽禽鳴樹遙看鹿食苹偶因吟舊句仍復發新情

常山峪晚坐納涼

癸巳

巖館西峯陰尚早滿庭喬樹發輕颺何曾闕外熱闕內
畢竟候常非候移有暇拈毫還摘句乘涼撫古亦臨池

晚來西北油雲佈滌暑惟時雨正宜

常山峪行宮作

甲午

去歲行宮此納涼

去歲於此有晚坐納涼之作

今來涼却逼衣裳都

緣前日過山雨遂致峭風解夏陽路近因之到常早齋
虛覺以靜無忙支窻西北巘雲蔚其庶雨乎引領望

再題常山峪行宮八景

丙申

綠樾徑

萬綠叢中一徑延循門得入景無邊興來擬欲廣前什

不覺光陰隔十年

八景詩凡六作止丙戌歲
建中丙申已越十年矣

虛白軒

電光石火忽旬歲
點牋鋪又一時比
似虛軒生白者
自無而有亦如斯

青雲梯

行宮計里駐來均
例以閣章到此辰

向例三日內閣發
本一次自啟鑒後

計日發報必當至
常山峪行宮政云

宣召諸臣悉批答
阿誰不是步雲人

楓香坂

非煙而靄復非雲葉葉枝枝吐淨芬最是此香無火氣
了當領以不聞聞

如是室

素屏

義畫寫唐詩

室內素屏八扇丙戌歲
逮今七十餘年

皇祖御書唐句
蘇翰如新每一仰瞻倍

生欽
慕

拱讀恒生若

見思明月清風七十載室猶如是景光披

蔚藻堂

書堂七十春秋閱猶憶當年

聖藻垂趨侍幼齡方舞象

康熙壬寅余年甫十二趨侍山莊獲觀聖藻親揮雖未能

適測餘如見

筆妙而追憶之天文能動也

天文妙處未能窺

翠風埭

陣雨收雲纔片刻層層埭榭翠如蒲風來西北翻林海
雅勝五音奏管絃

陵霞亭

八柱山亭特據高肩輿尋勝陟蘭皋颯然爽氣滿襟袖
霞舉因之興亦豪

再題常山峪行宮八景

己亥

綠樾徑

夏仲千林葉已稠容容張蓋綠如油步來却恐減明笑
在彼仍當行不由

虛白軒

重到雲軒頓覺悲憶常

夏清適於斯歡娛掖

輦那能再虛矣白乎付不知

青雲梯

幾疊青林疊碧疏雲如更復擬梯如寄言管蒯慕斯者
踏實還當戒踏虛

楓香坂

山楓過雨浴芳馨低坂高陵一色青展步分明淨香界
恰宜小閨梵王經

如是室

如是寧云談佛偈今朝如是有餘思屏風八扇

奎文煥

室內屏風為書唐人七言絕句八首

皇祖御
繼述

鴻規豈外茲

蔚藻堂

不須啟祕更抽妍大塊文章列目前試看形形與色色
起予無盡自天然

翠風埭

風豈翠乎林翠之請觀葉颭與枝披一般飛動菁蔥者
舍巽二能能更誰

陵霞亭

岡頭一笠欲凌空階下鋪雲日照紅設以赤城相比擬
亦堪賦句傲興公

常山峪行宮晚景

庚子

雨後夏增典汎於關外居四山雲吞吐一谷稼幪與萬
樹夕陽朗閒庭晚籟虛例斯批閣本有暇亦翻書

常山峪行宮八景

辛丑

綠樾徑

行過獨樹如張繖忽入連林似設帷
一例青油布陰處問誰煮靛染為之

虛白軒

此軒終歲守恒虛此日忽看生白與
借問誰為領妙者究之非彼亦非予

青雲梯

展步層巘認作梯分明百級有高低士無賢不肖由此
應識南華論物齊

楓香坂

山花野草無不馥何事其香獨屬楓意謂秋來變霜露
饒他幾點特餘紅

如是室

向年入室人如是今歲入仍如是人試曰相應定何者
一篇說著古稀新

蔚藻堂

遠觀近攬總相宜
筆硯精良又此時
三百一言蔽之耳
笑予何必以多為

翠風埭

風自有聲却無色
偶叅合相愜於斯
泠泠天籟翻崕落
借得林光與翠之

陵霞亭

西嶺翻來晚照明
林欺霞色闢新晴
今朝祇喜無纖翳

豈計尋常點大清

常山峪行宮三疊舊作韻

壬寅

黃土纔過嶺


青石梁東為黃土嶺過嶺即常山峪

常山見目前蹣跚數里

近行館一溪邊知路步幽徑據床梯翰筵耐他今日景
伴我古稀年野鳥殷勤語閒花自在妍


聖蹤欽想像瞳若敢云肩

巴克什營行宮



巴克什營行宮 出古北口十里許以巴克什營
為止頓殿五楹南嚮後殿左右各二重旁東西嚮
康熙四十九年建規制純樸南望邊牆高出山上
雉堞叅差與雲烟出沒惟聞潮河聲奔流入塞自
昔安屯置戍之區今日田疇井里婦子嘻然不覺
在邊關外矣

兩間房行宮



兩間房行宮 塞外多山出古北口四十餘里為
兩間房行宮康熙四十一年建南嚮殿五楹額曰
秀挹清芬曰鏡風含月後殿越小橋當山東北隅
曰澄秋軒盤折而東高出木杪有亭曰暢遂題額
並

御書塞外山川此地首當形勝自昔以兩間得名者今
且成聚成都農廛布列烟火相望雞犬之聲相聞
矣

御製詩

兩間房行宮卽景

甲中

樹陰深處覺微涼，脫却單衣換袷裳。
開戶對山如話舊，隔林見鹿不能詳。
禽喜客殷勤語，砌卉當秋自在芳。
墾種人家已滿百，昔名猶說兩間房。

兩間房行宮卽景

丁亥

數典猶稱房兩間，而今倍蓰聚鄽闌。
到來循逕欣憑座，所喜開窓便見山。
繞砌秋花競野意，當庭古柏越蒼顏。

綠旗擬武陳觀罷

古北口提標兵每於此陳習勁弓藤牌角勝技輒於行宮門校閱行賞


著句聊消片刻閒

兩間房行宮即景

丙申

塞外氣本清矧值新晴後白水自繞門青山欣入牖行
館架五楹詎止兩間久每來供靜憩樸室饒虛受披襟
喜爽涼夏五如秋九汎罷軍書問兼冀農功有心怡神
自謚得句亦無垢


釣魚臺行宮



釣魚臺行宮 在避暑山莊東北十三里乾隆七
年建自熱河

啟蹕至木蘭中關為首程釣魚臺為止頓宮門南嚮殿
東嚮廊環遶宇亭枕屏山地距山莊甚近工人舊
呼雙黃寺當熱河上流三源既會水勢涵蓄實產
嘉魚故名釣魚臺云


官行坎土黃



黃土坎行宮 在釣魚臺東北十七里康熙五十
六年建自熱河至中關

清蹕止頓者再一為釣魚臺一則黃土坎也南嚮殿五
楹後殿九楹左右各三重院宇明淨規制淳樸宮
之北則審音河會人固都爾呼河屬道元水經注
所謂武列水三川合派者也


中閩行宮



中闕行宮 在黃土坎行宮東北七十里康熙五
十一年建南嚮五楹榜曰松間明月後殿榜曰雲
林蔚秀聯曰松籟座中聞笙竽風遞山屏窗外列
錦繡雲開過

行宮東十餘里有峰嶄然洞穴嵌空錫名玲瓏峰自
宮中望之縹緲雲際若方壺圓嶠可望而不可即
也

什巴爾台行宮




什巴爾台行宮 在中閩行宮北三十七里康熙
五十九年建自中閩至波羅河屯以什巴爾台為
止頓南嚮大殿五楹後為永懷堂左傍喬峰石倚
蘭若殿後陟山及半有亭清溪遠岫曠望高深俯
視則塞田萬頃秋稼盈疇可以見豐亨之景象可
以驗

膏澤之旁流也

欽定四庫全書

卷四十四

波羅屯行宮



波羅河屯行宮

在什巴爾台行宮北十八里康

熙四十二年建殿南嚮後依崇巘前俯平林有額
曰山泉賞曰秋澄景清曰簷際千峰聯曰山月滿
庭篩竹影松風遠壑亂泉聲東望筆架三峯峒巍
隱見益知塞山清奧蘊秀含靈又非荆關筆墨所
能到也

御製詩

駐蹕波羅河屯丁卯

涼颼獵獵裊旌旂
乾鵲喧鳴霽景浮
塞外山川還似昔
谷中禾黍摠登秋
離宮平楚依清賞
金令豐原事大蒐
鱗集名藩環道左
愧予何德此懷柔

迴鑾至波羅河屯

大獵時修返翠鑾
築場正及按途看
村炊香氣騰饅粥
頻解心顏為並餐

此柳索壩似去秋
今來稍解望年愁
長官道左休誇稔
畊九餘三好共籌

行宮秋景尚清嘉
喜先重陽對菊花
丹翠林光依畫壁
淺深山色入窻紗

波羅河屯作

己巳

塞館清涼車駕停
仰流鱗集衆藩屏
亦咨力穡秋稱好
蒙古今亦知
穡穡為重矣
更喜攻駒境永寧
長計何須誇絕幕
恩柔
遂以撫來庭
尋常視此殊艱致

謨烈躬承勉德馨

波羅河屯行宮作

壬申

秋日散清輝秋空澄碧落我意與之然去來何執著寒
花步今逕陰樹寒昔暮會心足希夷容膝且寬綽是處
有縹緗無妨讀書樂

波羅河屯行宮作

塞垣秋彌薄言歸別館纔經廿日違便有迎人三徑菊
更欣送暖一憲暉興餘豪處應還澹思不紛時可入微
試看滿庭張錦樹風來落葉亦霏霏

波羅河屯行宮作

癸酉

一谷輕寒破曉風
幾灣流水溯源通
已省別館行來近
且喜山田報處豐
過雨秋苔依砌綠
含霜野葉綴枝紅
底緣到此多吟興
筆架三峰正峙東

行宮東山峰巔立
土人名曰筆架山

波羅河屯行宮疊舊歲韻

白雲背塞垣
紅葉間邨落
流來內地民
日久成土著
何敢誇真甌
惟是欽調幕
連朝閱豐收
劬農心為綽
別館景依然
靜憩饒清樂

九日波羅河屯行宮作

乙亥

秋彌言從塞上還行宮佳節值清閒
花饒惠遠錄鍋長綵筆吟聯侍從班
數朶金鈴還栗里三峯玉架儼龍山

行宮東山三峯
矗立名筆架山

詔人萬古如斯景河畔盈盈月一彎

波羅河屯行宮即景 己卯

山峯過筆架

行宮東峯俗
名筆架山

誰歟凌鮑謝河屯到波羅誰

歟演檀邨由來名象曾何關梵言華語都須刪
太古以來此川野數字行宮蔥蘢閒風清月白鎮如是
那識客往與客還

波羅河屯行宮即事

庚辰

雲裏遙看筆架峰到來行館憩從容
鵲師狗監先來候
甫草山猶隔幾重

一株松樹滿庭陰可識離宮歲月深
攬鏡霜華略增昔
於中不改繼繩心

秋宇剛欣霽色霽西山蒼蔚復淒淒
宣傳支帳尋高舁
今夜恐防雨漲溪

於波羅河屯行館作

乙酉

處處有行館匪奢惟樸佳秋蒐常駐蹕

聖藻永懸齊雲外山為障風前葉點階晚來霏細雨吟興

又安排

於波羅河屯行宮作

丁亥

青城何代蹟

蒙古語波羅為青又謂舊河屯為城此處有舊城蹟故得名

蔓草護堆

沙獵園經常駐行宮樸弗華向暄逢綠樹應節有黃花

是日重陽明便承

慈豫山莊喜不遐

迴園至波羅河屯行宮作

外藩都遣去內吏屢迎來納稼野村畢駐旌行館開潦
消堰脚聳葉落樹根堆再宿山莊益心馳先幾迴

波羅河屯即景

己丑

舊城今不見

蒙古語舊謂波羅城謂河屯

新戶日加增難考金元蹟

欣看稼穡登黃雲一谷滿素節仲秋憑筆架矗東壁官行

東有筆架峯

聞誰倚筆能

於波羅河屯作二首一韻

丙申

青城仍此度

宋古語波羅青色又訓舊河屯城也

民舍較前增內外寧界

限耕桑到處興桑遐要安近勉繼亦貽繩蜀郡洞天在

仙蹤底藉徵

秋收逢倍好高原圓場增筆架度峰峻

行宮東三峰峙立土人謂之筆

架詩裁即景興怡神行畫懽騁目緩鞭繼菜坂畧資雨

隨時驗庶徵

至波羅河屯行宮作

壬寅

筆架遠瞻峰

在行宮之東

山行行別館逢風開林逕路露茂葉

田濃最是心之賞

室懸山泉賞額
御筆也向有賦得之作

皇祖
寧惟膝所

容青城譯舊語

波羅河屯蒙古語
譯漢則為青城

懶倚問仙蹤

賦得山泉賞

壬午


雲房

聖藻懸

志在賞山泉堪會知仁趣都包今古詮
動歸緣有靜後
樂以憂先實政吾猶未

崇情祇喟然

張三營行宮



張三營行宮 在波羅河屯行宮北六十二里康

熙四十二年建北即石片子也地近崖口山勢雄
奇峭拔積翠霏藍送爽迎秋雲烟萬狀歲行

秋徧東道由波羅河屯

駐蹕於此殿額曰雲山翠廓過此則

御行營建木蘭

迴蹕

宴賞從獵諸蒙古亦多於此舉行云

御製詩

木蘭迴蹕駐張三營行宮之作

丙子

駸駸羽騎木蘭迴別館依然此去來
窻窳聲中楓葉下
馥蘼香處菊花開
圓場且喜千村稔
素籥明參一氣培
輔相對時緊我責無厭從獸豈宜哉

出哨駐張三營行宮作

丙申

出哨行宮駐翠旄木蘭北望興猶豪
往來幾日無多事
窻牖明曦爾許高
先節黃花標菊逸
經霜綠樹識松操

諸藩散遣教歸去行賞因之獎衆勞

張三營行宮卽事 己亥

夜雨曉來晴山蹊歷坦平當秋首納稼未年駐行旌執

後迎獵騎

喀爾沁隨來之佈圖蒙古例於此接駕


獻新來射生不同往年

事

向年入崖口之前先遣射生者於圍場外捕得麋鹿即遣侍衛馳進慈闈以獻新味迴思往事不禁

感憾憾若為情

濟爾哈朗圖行宮



濟爾哈朗圖行宮 在波羅河屯行宮西北二十

八里入圍場有二道東道自張三營入崖口西道
自濟爾哈朗圖及阿穆呼朗圖入伊瑪圖口乾隆
二十四年

命建行宮於茲地制最簡樸殿內

御書聯曰所無逆而安行蒐講武亦有秋可樂省斂歌
豐濟爾哈朗圖者蒙古語安樂所也地在伊瑪圖
川之右水泉甘美庶草蔚豐因以得名

御製詩

濟爾哈朗圖行宮作

己卯

濟爾哈朗圖者蒙古語謂安樂所也凡水草佳處則名之以居波羅河屯卜克打坂之中命發內府餘儲建行宮數字以省行營駝載之勞工既落成蹕適旋駐賦以七字詩得二章

北來按頓有行宮

自熱河至崖口沿路行宮皆皇祖時所建

卜克今年路

再通致遠欲休羣畜力

木蘭中以前有獵場日行不過廿數里自卜克至此七十餘里駝

載為勞政建行
宮以息物力

發儲匪藉庶民攻溪山不盡足真趣藻

績毋施愛撲風容膝已佳此多矣禹無間處企難同

納稼田餘稔穗多富秋歷閱喜無過一溪流水村前繞

四面晴山戶外羅便犒諸藩歌湛露

是日以灌罷宴
諸外藩及行闈衆

蒙古魚宣翰苑詠卷阿蘇門審勢差相似不約而同安樂

寫

濟雨哈朗圖行宮疊去歲韻

庚辰

幾架巖齋也號宮山姿入望四鄰通怡欣秋令來棲宿

汎復西陲罷戰攻白石磷磷溪漲雨翠峰濯濯樹搖風
分明去歲初經地此日襟懷了不同

已安容膝底須多茅土階茨較太過山是真圖非筆染
戶無長物有書羅愛觀颯景開虛牖不盡崇情寄迴阿
秋雨既優晴實好豐隆倚晚勞雲窩

濟爾哈朗圖行宮作

壬午

卜克名嶺今秋西取速先臨濟爾哈朗

讀作平聲

圖戰案早慶

貞符彼

已卯過卜克嶺曾有詩時尚未定西域也

安樂

蒙古語濟爾哈朗漢語爲安樂也

非

謀悅志吾黃野稼逢滂餘有碧空雲飲晚來無勤民習
武均心匪詎為高齋景足娛

濟爾哈朗圖行宮作 癸巳

巖館枕烟郊獵還駐翠旂詎寧容膝愜那免暢懷嘲白
髮存公道蒼山是故交密楓盡紅葉庭柳尚青梢毆氏
書畫舫邨家安樂巢

蒙古語濟爾哈朗圖
即漢語安樂所也

芸編如有語

慙愧四年拋

未由此處行
者益四年矣

濟爾哈朗圖行宮作 壬午

癸巳向曾駐士寅今重去聲臨訝看松檜古消幾樂哀心
葉自當秋落鳥如話別吟九年纔一瞬何以惜分陰

四照亭口號

行館依山圍石牆山亭四照額楣昂雖云遊目宜因迴
可識一心遍萬方

阿穆呼朗圖行宮



阿穆呼朗圖行宮 在濟爾哈朗圖行宮北四十

三里乾隆二十七年建殿內

御書聯曰勝地叶貞符詩厠橐戢那居供靜憩疇演康
寧當西入圍場之路間歲

清蹕一臨架構無多而山色泉聲足資

聽覽地在伊瑪圖口之外於獵場最近橐鞬左右以候
六飛阿穆呼朗圖者蒙古語康寧也

御製詩

阿穆呼朗圖行宮作

壬午

一宿圍場近構齋此憩停天然足山水成趣得軒庭率

省牽馱力堪頤情性靈顧名每思義寰海願康寧

蒙古語阿

穆呼朗漢語
為康寧也

阿穆呼朗圖行宮作

甲申

一由旬里路非遙滿谷秋田倍覺饒數字軒庭頗足憩

千廬竿幟各為招石泉陡澗銀拖界霽景崑峰翠落標

甌研適當神謐處閒來摘句亦清超

阿穆呼朗圖行宮疊壬午舊作韻

丙戌

今歲從西進

自東入木蘭由崖口進自西入則自伊瑪圖口進今歲由西此處為必經之路行

宮一宿傳秋中涼滿谷樹久陰聲盈庭景與神心洽山

資翰墨靈射生獲新鹿

命人於近園場處獲鹿即遣騎進山莊

使騎獻

慈寧

阿穆呼朗圖行宮作

己丑

秋獵路由西於焉駐馬蹄三年如昨日

自丙戌至今始從此路進一

晌閱前題蛩脇報寒鼓鳥喉話別啼嶺名欣卜克

進圖西嶺

曰卜克向屢有願即協佳叶經畧大學士傅恒月初當詩頗叶貞符自憂鵠至猛拱佇盼佳音

阿穆呼朗圖行宮即事

壬寅

獵蹕又從西十年景迅兮一區山表見千騎路傍徯蒙古

行圍者千二百騎舉至止成新憩徘徊讀舊題虞人呈

初獲觀物益增悽丙戌年經此獲鹿即馳進山莊有射生獲新鹿使騎獻慈寧之句

今已不可復得祇增悽感

欽定熱河志卷四十四